

ALANIK BEGIFERN

PE AR GWAL-DEODOU.

War don : An hini gôz è ma douss, etc.

Ma mallos war ar gwal-deodou !

Waz int er vrô wit an ankou !

(Eur werz coz.)

I.

Selaouet eur zôn 'so savet
A nevez, 'vit besa kanet ;

Alanik tra la la la,
Alanik tra la la !

'Wit besa kânet dre ar vrô,
En kear ha war ar maès trô-drô,

Alanik tra la la la, etc.

D'eûnn den fur ha santel 'è gret,
Ouspenn den gwiziek meurbet ;

Alanik tra la la la, etc.

An den-ma 'so a voad huël,
Goad an duked côz Breiz-Izell ; —

Alanik tra la la la, etc.

Ha brema c'hoas n'eüs ket e Breiz,
Da dalvoud hi re, war ma feiz !

Alanik tra la la la, etc.

'Vel na n'eüs den da dostad d'è,
Nag en furnez nag en ligne,

Alanik tra la la la, etc.

'N ho zi dalc'h-mad 've drouk comzet,
Hag an nèsa 've diframet ;

Alanik tra la la la, etc.

Beb deiz da lein 'teber unan,
Hag eun daou pe dri-all da goan.

Alánik tra la la la,
Alanik tra la la !

II.

Alan ez hi c'hano bade,
Eghile dawin koulsgoude ;

Eùnn taolik pao d'an den-ma,
Eùnn taolik c'hoas desa !

En eur c'hôradenn è gânet

Ne oa en-hi nemed aëred ;
Eùnn taolik pao d'an den-ma, etc.

Med tud santel vad ez oaint holl,
Doue n' c'houlenno ket ho c'holl ;
Eùnn taolik pao d'an den-ma, etc.

Alanik zo den a Iliz,
Koanta belegik a welis ;
Eùnn taolik pao d'an den-ma, etc.

Ia, Alanik 'zo eur paotr koant,
An holl verc'hed d'eüs desa c'hoant ;
Eun taolik pao d'an den-ma, etc.

Dû ez hi benn, dû hi zellet,
Dû hi galon, dû hi speret ;
Eùnn taolik pao d'an den-ma, etc.

Hi c'henno 'so toul an ifern,
A zislonk diaoulou a vern ;
Eùnn taolik pao d'an den-ma, etc.

Hi c'henno 'so eur ghillotin,
A drôch ar pennou, noz-vintin ;
Eun taolik pao d'an den-ma, etc.

Leùn ez hi galon a aëred,

A sourded hag a donsegħed;
Eunn taolik pao d'an d'en-ma, etc.

Pa n'em gannooint, pa n'em flemmooint,
Hag ho belum pa ziscargooint;
Eunn taolik pao d'an den-ma, etc.

Alan baour 'ia gant ar goñnar,
A flem diremed ha digar;
Eunn taolik pao d'an d'en-ma, etc.

C'hui, tud vrao ha tūd a vrud-vad,
Digant-han 'beso kalounad;
Eunn taolik pao d'an den-ma, etc.

Gwell 've ganin tremen dre 'n tān,
'Wit kaout eunn teoadad digant-han;
Eunn taolik pao d'an den-ma, etc.

Ouz belum an aér 'so louzou,
N'en eūz ket ous hi deodadou;
Eunn taolik pao d'an den-ma, etc.

Diwallet mad ous hi sellou,
Gwàz int kals 'wit re an Ankou;
Eunn taolik pao d'an den-ma, etc.

An Ankou n' ra med làza tud,

Med Alanik 'laz c'hoas ho brud.

Eùnn taolik pao d'an den-ma.

Eùnn taolik c'hoas desa !

III.

Alanik 'so den gwiziek,
Me gred 'oar lenn beteg ar grek ;

Eùnn taolik dant d'an den-ma,

Eùnn taolik c'hoas desa !

Faez 'râ ous eul levr brezonnek,
Hag iwe ous eul levr gallek ;
Eùnn taolik dant d'an den-ma, etc.

Na lenn nemed levriou latin,
Roët desa gant eul lutin ;
Eùnn taolik dant d'an den-ma, etc.

Levriou sorceraj, m'hen goar fad....
Pa zonjan hen se ien ma goad
Eùnn taolik dant d'an den-ma, etc.

— « It-c'hui d'ar skôl, holl doctored,
« Rag n'en d'eoc'h 'tra med asened ;
Eùnn taolik dant d'an den-ma, etc.

« Ha c'hui, kerkouls, holl vèleïenn,
« Serret ho beg, babouseïenn !
Eùnn taolik dant d'an den-ma, etc.

« Ho theologi a so fall,

« Kement-se holl oa mad gwech-all.

Eûnn taolik dant d'an den-ma, etc.

« Deûd d'in, m'ho lakaï war ho hent,

« Gwell ewit ar bibl, pe ar zennt ! »

Eûnn taolik dant d'an den-ma, etc.

Ia, er ghtz-se 'komz Alanik :
Barnet oc'h holl, ha tawet mik !

Eûnn taolik dant d'an den-ma, etc.

N' c'houlfenn laret neb drouk out-han,
Rak eur paotrik ez ar gwellan :

Eûnn taolik dant d'an den-ma, etc.

Henès a so eûnn den santed,
'Bak eûnn oferen, n' ve ket pell ;

Eûnn taolik dant d'an den-ma, etc.

A brezek 'vel gant eûnn teod aour,
Hag ho kwask ker brao, tudo baour !

Eûnn taolik dant d'an den-ma, etc.

Henès-vad 'oar kaout hennt ar ial'h,
Gwell 'wit capusin na manac'h.

Eûnn taolik dant d'an den-ma, etc.

Roît arc'hant, roît bepred,

Roït c'hoas, roït heb sellet ;

Eûnn taolik dant d'an den-ma, etc.

Evfit dour, debret bara-c'heï,
Neuz ket a forz, med rèd-vò reï :

Eûnn taolik dant d'an d'en ma, etc.

Roït holl, ha iaouank ha coz,
En trok c'hui 'po ar baradoz !

Eûnn taolik dant d'an den-ma, etc.

Eûnn taolik c'hoas desa !

IV.

Ha me ? — Dindan hi c'hillootin,
Heb truez, tremen a riukin :

Eûnn taolik falc'h d'an den-ma,

Tròc'homp hi benn desa !

Allas ! hag he tròc'ho ma fenn,
'Wit ma c'hass ac'hann da vikenn !

Eûnn taolik falc'h d'an den-ma,

Tròc'homp hi benn desa !

Med 'wit-han d'am c'hredi maro,
Me a c'hoërsø hag a laro :

Eûnn taolik falc'h d'an den-ma,

Tròc'homp hi benn desa !

« Ma mallos war ar gwall-deodou !
« Waz int er vrô 'wit an Ankou !
« An Ankou n' râ med lâzan tud,
« Ar gwall-deod a lâz c'hoas ho brûd ! »

Eûn taolik falch d'an den-ma,
Trôc'homp hi benn desa !

Med setu aman eur gentell
Evit ann holl goaperrien fall :
Kent 'wit divez ma rismadel,
Ez rèd kâna war eun tòn-all.

Goudc c'hoersin 've kalounad,
Hà neuryuiian ez ve-gouelet :
Setu 'z pez a glewan timad :
— « Alanik paour 'so tremenct !

Laromb oll, gant tristidigez :
— « Benoz Doue war he ine !
« Ma Jesus, selaouet hor mouez :
« *Parce, parce o Domine !* »